



石倉十二代詩選

明四集卷之三十五

皇甫昆季

上

後學曹學佺閱

皇甫冲

字子浚長洲人有華陽集

六日子約餞予廣惠寺

歲晏苦徂征
倏然青春暮
矯志希鴻圖
陳書乃多誤
悵念南山扉
聊以反吾故
煩君具尊酒
送我卽長路
惻愴江上萍
徙倚庭中樹
攬物悲別離
華髮忽已素
升沉妙玄理
誰云若平誤
願托採芝行
得與至人遇

病間寄子循第

伏枕越重滯晨興倦膏櫛驚濤西北來煙霾黯
初日予本凡庸資投分在蓬華謬說唐虞遜空
談丘軻述羨子雲龍人有季偕丞弼日夕念遄
征無懷一鳴叱南望鄉山遙百憂疹成疾刀圭
不效用徒然問神室且從董生居相携采芝朮

曉

月落沙渚前鷄鳴桑樹裏晴光動初旭輕霏漾
流水不覩村與墟但看炊煙起飛鳥散叢林遊

魚出深汜矯性將奚爲悟此淵魚理

苦風

終風悲南箕經旬猶未歇朝霾掩白日宵陰戾
華月密樹有驚花新條無寧葉礫飛隕爲雨流
奔噴成雪懷歸賦式微序往傷啼鳩不知津上
人何以慰叩涉

安平鎮

武功振雄略取日升虞淵功成身見疑窳跡投
蠻煙憶昔奉皇猷秉旄治頽川神人授龍訣懋

歷代詩選 卷之二
續河隄篇似靈自有協漢壁何須捐新篁若崇
墉故水流潺湲堂皇漕貢途 天子稱萬年

過分水望秦嶽

神嶽旣蔚奧靈海復盤紆金文秘漢簡玉冊藏
秦符帝草日月光官樹雲霞敷名德發靈泉播
流爲川渠皇心諒有眷造明開神都北逝溢聊
濮南奔潤澧徐貢至克入盈漕來悅王途疏導
底臣績玄理非人謨茲貺信可通願上長卿書
七星檜三株猶存

停舟繫石岍躡屩遵瑤壇梁宮暮雨濕蕭檜陰
風寒攬衣就拂拭詭怪不可觀形分巨靈擘影
屈螭虬蟠上浥煙雲色下蝕苔蘚斑何須屬霄
漢偃蹇當層軒代氏若反手日月如飛翰載記
豈所覩圖繪良工難生者宛神理摧者非靈殫
緬念封殖人千載增長歎

上巳觀日橋板襖望所期客

青山結層嵐新流淥週澤陽景屬良辰遊人滿
晴陌聯翩塘上行去來江邊客拾翠行且留擷

芳散還集臨賞遲所思搖搖冀來覲夢寐時見
之寤言忽復隔昔人三秋懷宵旦今屢易為問
被襖人憂心何能被

巫公祠

湯孫崇臯靈割下載莘媵共球為綴旒延休紹
賢聖維戊秩斯祐明哲豈妖勝祥桑一朝枯侯
邦仰躋敬伊贊揚王庭咸乂遂戊命載覩賢為
公乃知商由靖歸掩虞山丘松林斷樵徑祠石
被春苔千年紀殷姓

從田橋石徑赴拂水

江光開初霽山雲未全斂輕煙尚棲花積雨猶
在蘚携屐逶迤麓援蘿上修峴環林何逶迤磴
道幾回轉游心自忘罷策足乃知蹇含章樂丘
園耽隱易台鉉頓使昔念舒乃得今抱展將尋
出世人一往不復返

於巖石上眺東西兩湖

旭踐山中蹊午憇巖上石雲移石欲墮雨霽蹊
猶濕倚策眺兩湖波光煥相襲東若旣紆青西

蘄亦疑碧芙蓉落雙鏡天影浮重璧不覩水分
流但覺洲如織檣烏有離聲磯鷗無並翼會茲
物化情感彼高深迹從適得所遣何爲苦拘迫

同周虛巖劉中泉何守舍孫小川憇拂水
石上

愛此巖上泉行遊藉佳侶賞勝自忘歸聆音復
延佇源來若無端流分忽成縷煙生石作雲風
至沫成雨豈但濺冠纓亦能灑衣屨真然挹促
流飲之甘若醕澆衷亮所珍願阿亦何許苟非

惠施心將焉說莊語

維摩寺雨坐

回嶺無仄徑陟岡有夷壤展睽入空濛遊心益
昭朗長風吹輕衣飄搖翠微上古寺迷夕煙明
燈灺綃幌冥雨從東來驚雷自西往林巒忽不
見俱聞山澗響景寂非避喧心瑩乃成賞爲禮
沉痾踪因之知幻象

雨過老君廟暮歸

停車旣敦寂旋御復欽玄升陞謁猶籠入門覩

先天荒壇疎列石圯宇棲春煙飄雨蒲襟帶叢
莽盈階前雲中積濡潦樹杪飛流泉磴道掛絕
壁策足如臨淵回緬安居時豈識仄路難予本
偃蹇人末途多艱難誰云值游衍臨歡生感歎

昭明太子讀書臺

晴暉抱芳意叢桂結遐忱風光散繁蕙雲色留
松陰翫徑陟書臺臺石縈蕪侵梁王悅墳典兼
之山水音探奧坐蘿石咀藻登山岑選學出名
賢炳煥爲儒珍用物豈不弘精爽亮難沉恍惚
煙雲間魂魄時自臨懷人允在昔覩迹乃以今
願修澗沚毛一罄平生心

順義戰

鄰有順義人告我庚戌事八月月生魄道傳俺
達至朝聞古北屯暮見遼陽騎李生正下帷奮
激報守吏守吏不敢言雙目但直視馳馬歸赴
敵城門忽已閉登城望家室膏血乃塗地里閉
盡焚燒妻孥身首異李生按劍怒背裂聲色厲
詎惜中山羨甘心河東棄惜哉無一兵不能爲

之計乃有陳使君挺身獨不避下令開四門彎
弓揮兩幟左書報仇文右寫勤王字當門據胡
牀潛軍弛銜轡李生與之俱不覺增勇氣胡虜
來覘窺一矢兩會殪胡驚駭指奔蒼皇解圍去
城邑不破殘凡以二子庇功高主不知事往名
亦墜李廣豈數竒耿恭終棄置斯理自古然况
乃居今世請君勿復言此事猶爲細

安山道

泊舟安山北忽見山南船銜尾若魚麗鉦鼓紛

喧闐樓櫓樹干盾笈簪插戈鋌瑀弓赤羽箭朱
旗當檣懸長年盡紅巾抹額絳絲纏言與群盜
鬪僅不爲摧殘請看身上創衣血何新鮮聞之
不敢進倚棹生憂煎載聞持節使提兵邏河堧
脫者有重聚獲者無幸全哀此封中氓棄擲潢
池間雖云飢寒故信也誰爲宣懷保道不足政
刃皆深淵服妖古所畏涓涓乃滔天巢角鑿不
顯此理庶可研

投杯行

有客赫華署氣勢矜時英相見但相揖高談無
近情仰面笑朱季一死鴻毛輕豈如王子師投
杯忻就徵俯志申國章誅卓收炎京憶昔滄溟
波浪奔長風島夷戈甲時交衝朱公秉鉞下閩
浙千里坐見烽燧空柝靜兵銷罷樓櫓重典刑
新泣豪賈民安身在嫌疑間遂使流言動
明主驚聞司隸來吳門發憤飲鴆非忘君丈夫
那肯死燔下不忍身首一朝分君不見彭王醢
淮陰族隙成豈論百戰功憎多安有羣輕軸鼎

下徒嗟崩徹言祠前空聽樂生哭所以蕭望之
引杯謝朱生楊公委常分慷慨無遺情英雄自
古多顛阨莫笑今人不如昔是非未定已蓋棺
世人誰能辨心跡結交須結心相知何用區區
同里爲叔陽不上陳寃疏未必新息終成疑

袁抑之黃門防秋師還

秋風瑟瑟吹旌竿廷臣護軍西出關滿飲卮酒
謝知己擒戎只在笑談間憶昔胡馬遼陽入長
屯短戍無完壁烽火夜照蓬萊宮黎民半死長

安陌 天子屐及寢門前軍無見伍張空拳本
兵已受屬鏤死元戎尚擁嬌娥眠一朝戎曾念
巢穴引馬西歸捲吹葉但道姚种非將才那知
馬植爲胡謀權豪自古難爲終倏忽有詔收奸
雄 天子神明萬里外何况區區掌握中妖氛
已靜狼煙絕邊戍防秋猶未輟闔外誰專司馬
謀軍中莫仗辛毗節君騎紫馬朔方城撻金伐
鼓虜魂驚將軍勒兵視馬首左顧右盼英風生
羯胡戰敗無歸路下馬濡毫作飛布由來神武

不勞師杖杜承恩歲云暮君歸解劍服錦衣手
持封事叩彤墀上功幕府不相借意直惟有
君王知讀君封事若琬琰中行聞之舌應捲男
兒意氣在封侯投筆却慚班定遠吾才不是洛
陽生况乃白髮垂星星禁中頗牧有公等何須
重問滅胡經

燕歌行

秦軍未解邯鄲圍燕丹新自秦城歸仰天叩心
發長歎燕山六月寒霜飛質子當年苦拘迫馬

爲生角鳥頭白歸來傾國思報讐不知誰是橋
邊客忽聞燕市多俠徒時相哭泣時歡呼田光
隕首效君命荆卿發奮馳燕圖慷慨於期首在
篋落日征車猶未發聲斷誰知筑裏心歌殘試
看冠中髮荆卿一去不復還至今易水流潺潺
黃沙迢迢照孤月祗令行者凋心顏

走馬行

朝陽門外春欲歸無數垂楊夾廣衢旭日高懸
紫絲障草色遙映青羅襦京華少年頗好事珮

弧寶劍相馳驅追風逐電鬪奔馬紫騮赤驃皆
名駒爭先賭勝不肯下縱橫叱咤紛喧呼輕塵
不動馬蹄疾奪取美酒調醪酥一飲一斗不能
醉自言身是高陽徒中有小兒年十三當場策
馬閒且都捨控翻身若飛鸞捷鞍騰跳如驚狐
回轡揚鞭橫意氣笑看朋輩傍人無嗟乎幽燕
風氣信雄武可憐棄擲居泥塗若使軍中得飛
將此屬盡可干人夫祗今邊頭有烽火何不徵
取西備胡安車孔子但醉飽佩玉懸金雙虎符

楊柳詞

上林新柳弄新暉
柳上春來春又歸
江南此日絮應盡
北地今來花未飛
一自離家五經月
夢裏垂楊別時折
春歸不逐梁間燕
春去其如花
上鳩人道京華別
樣春我獨逢春愁
殺人陽和偏到宇
文樹風力長吹庾
亮塵塵飛莽莽蔽
白日禁柳官花自
顏色何事當年撫
樹人今日還來淚
沾臆臆淚沾衣不
得乾人生何似客
中難年華易逐東
流去白髮羞將鏡
裏看眼看白髮
何能改故園楊柳
應猶在婀娜長條
拂地垂莫使春光
不相待

閏三月十日將別王甥與之痛飲醉後作
將進酒

將進酒解雙壁
敝裘羸馬長安陌
長安甕頭香可憐
一飲須當盡一石
手引六博狂叫呼
當盤一擲得五白
千古興亡亦爾爾
眼前得喪何曾惜
市上高陽吾不識
且聽胡歌彈虎拍
載進酒君莫辭人
生失意亦有時
韓生不死淮陰市
寄

食漂毋身無資歸來報恩召中尉昔日王孫今
是誰狂風捲地吹飛塵昏霾四塞白日沉錦屏
繡帳誰家子羅珍列玉宵盍簪皓齒呈歌細腰
舞樽前一笑輕千金燈殘襦履紛交錯折纓引
袂招琴心惟願泰山長不傾豈知莠草生階陰
拂衣把酒對明月莫令衰鬢煩憂侵君不見阿
房巍巍五千尺黃金爲塗玉爲城徐市東遊竟
不歸海上空傳巨人跡漢武效之築建章文成
五利爭輝赫人生得受君王知縱死猶勝守蓬

華又不見衛青元是侯家奴會逢發卒征單于
破虜擒王拜大將舊日侯家今有無白首一經
守文墨笑殺申穆空爲儒遂使班超奮投筆恐
負人生七尺軀邈來投筆何所從不如黃白能
爲功排金入紫若有神馳卿走相如發蒙馬遷
四顧下蠶室崔烈一日居三公出門但見可憐
子斜封墨勅誇豪雄笑謂吾徒不解事赤手干
謁誰與通忍詬無言歸飲酒哺糟啜醢復何咎
莫泣卞和璆莫問揚雄說畢生浮甕中劉伶祝

婦口將從阮籍乞步兵又似陶潛尋五柳吁嗟
此輩安在哉明日解醒須五斗

裕王出府納妃

帝子乘龍出仙姬跨鳳來
鑾輿三殿下花燭五
雲迴天上堯尊降房中
舜樂開共傳思媚喜知
是嗣徽才

舟中聞楊兵部疏

誰讀楊公疏因之感慨生
無從得借劍空使欲
沾纓填獄人誰惜投沙已
獨清須知直臣志九

死一毛輕

寄內

曾炊屨屨飯送我北遊燕
爲惜年華暮牽衣倍
黯然文章人共棄貧賤
自須憐因報龐公婦相
携隴上田

同子循第訪孫孝子永壽兼問養生之什

嗣宗徒識字思邈自傳符
玉鑰開神室金丹秘
火圖樹深無過鹿林靜
有啼烏白髮荒丘上年
落日孤

同子循丹陽廣福寺與弟言別之作

叔來日華寺執手共離筵
季去丹陽郭含情繫
別船慧泉浮玉乳德水幻金蓮
無奈消魂處當杯但黯然

三月朔日都門別子約弟

三月風花滿帝城御堤新柳拂春明
曾為短褐焚符客又作凋裘挂劍行
花下幾回悲散萼鶯前猶自戀同聲
談經已解王公誤何事頻來笑兩生

過濟寧懷白川周尚書

忽憶尚書思惘然歸舟還過濟陽川
棠陰寂寞猶今日楊柳依稀似往年
江上忽吹離恨笛道傍誰問孝廉船
清尊獨對南城月惟見歸鴉噪暝煙

和子約弟京師上元

走馬來逢帝里春上元今夜物華新
萬家火樹明侵月夾道香車暗起塵
穠李歌中喧笑語簫韶聲裏艷陽人
更看天際神光起道是西宮

祀玉真

西苑卽事

曉日曛曛照御隄 君王身在大庖西雲邊鐘
磬和仙樂日下旂幢雜絳霓侍從詔看玄鶴舞
中官勅賜紫騮嘶長生殿上長明火不數秦王
祀寶鷄

渡淮

去國逢春春復過歸舟四月渡淮河岍當齧處
沙成漲水到迴流旋作渦直北煙塵看遠在向

南風氣覺暄多八公叢桂今何似欲就山中結
薜蘿

暮至濟寧

濟州城鴉啼暮天太白樓虛楊柳煙欲解吳鉤
換美酒無人同醉白雲邊

淮南道中

輕舟縹緲下湖濱寶應波光射斗文欲帶山醪
對君飲思君遙見秣陵雲

皇甫湜

字子安有少玄集

明月引

玉繩光早艷金壺宵未沉佇立春花月等怨秋
河陰方驚移翠牖遙睇入鸞林澄醪我姑酌縈
絃誰賞音留暉眷羈影流彩託微心

芳樹

芳樹吐春姿列映寒塘側發日染朝妍流雲深
夕色連巖望如黛氛氳遙可拭玉筋泣掩閨金
鞍遊去國韶光忽以逝攀條坐成憶

出自薊北門行

虜氣結陰山軍聲動五原詔屯七萃士戈戟蔽
霜天建纛憑怒啓授鉞出燕關壘和違受命效
節策中堅銜枚衝積雪驅馬涉水川嚴圍宵再
合鳴鏑屢驚遷兵交亘歲月徒令竹帛宣諒暗
匈奴庭一鼓隳戎旌揚徽玉門道飲至勞歸旋
方陪屬車後紀禪奉登刊

結客少年場行

俠客氣何雄藏名軹井中四豪傾長事肅駕遠
相從遨遊空絕影顧盼遺英風純鈎扈錦帶潛

穎結長虹急，讐歛電發忽。吏不敢逢探，九入漢
市挾七登秦。官千金購姓，字三辰貫幽。衷顧嗤
甘陳，侶邀爵事邊戎。

有所思

惠風扇芳氣，鮮雲照蘭林。舞簾晴綺滿，遊艇翠
波深。自我塵瑤鏡，載聞黃鳥音。羅帷月自入，歎
恨徒盈襟。

望春曲

桂棟燕來時，楊柳未成絲。徒然對尊酒，無處覓
花枝。宿雲時吐岫，晨溜更添池。江洲千里綠，憑
此寄相思。

古辭

華年不恒處，遊子輕遠別。風波頓萬里，徒使心
斷絕。邊朔氣早寒，方秋見霜雪。盈思阻雲海，含
悽弄刀篋。我有鴻鴈音，傷茲桃李月。

夜直虞衡

藹宇撫獨夜，廣庭發虛照。雨餘雲氣清，披襟坐
森奧。京風四面至，疎林月微曜。寢務釋民勞，澹

歷代詩選
然協所好俯慚乏才智空勗孤貞操時往化屢
遷名存事多謬逝矣山澤遺紛穢殊苦約卽文
懋有格譽尤良畏蹈處順謂可恒終想東山嘯
且秉委吏心寧貽衆賢誚

早春雜詩

緬予休役暇非復念行藏葺林西郊外放歌東
溪傍滄波蚪鸞影幽藪雲霞光晨起聆候禽則
知歲載荒靈雨降膏澤和風自飄揚含糴挺故
勝伏泉湧新防白室但虛偃青山惟坐忘逍遙

歲寒娛復以悲春陽

春懷

芳霧歛岡岑華日照川隰散矚暄氣迎延佇惠
芬集寒條競已熙朋鳥鳴相及卽事聊淹留眷
物重維繫美人曠不并徒此春風入

春日齋中卽事

仲春氣妍和崇蘭幽可搴開窓眺遠野文霞靄
層巘黃鳥鳴芳菲綠蘋泛深淺感物懷古人緇
帙聊自展嘗欽柳下黜頗悅邴生免苟持齊物

歷代詩選
明皇朝子安
卷
心得喪兩俱遣

秋夕

颯颯風氣涼漫漫夜何長感物念易集客子憂
多方櫺軒散余矚皎月流素光川途夕葦亂巖
際高雲揚星迢急還鳥露下悲寒蟄以茲春徂
未北乃懷故鄉愁來填人膺誰能假瑟簧

秋夜憶山中

悵茲豐景淪感此流暉馳青霄有翔隼落葉多
寒枝徒對盈樽酒美人不共持聊且娛心憂華
月泛金池意隨流波結情逐孤雲移猿鳴鶴以
怨歲暮何遠爲

歲暮夕坐獨酌成篇

崇陰寂玄景窮律欵宵期玉衡稍流映方冬寒
彩微天高霜氣結何能覩雲輝惟我客遊子苦
顏心屢摧掩閨不成寢朱火暖單帷蕙萑久已
歇瑤華誰獨貽臨觴意空縉懷春悵有遠願言
假桂檝容與清江湄

癸卯除夕直北曹作

獨馬向寒煙青陽眷明發霜淨肅蘭池雲沈迥
丹闕林阡磨易聚江天鴈難沒風物悵徂陰芳
菲詎久歇紛庭默多懼巖闈坐愁越夙心愧盈
尊含情非華髮

八月十三夜望月

歡襟佇瑤賞冰除迴風臺絲睇雲之表側遲織
輪來露輝染霧縠舞者立徘徊玄兔雖闕彩流
藻盪芳埃玉華坐成緬金尊空復開畏盈戢景
曜遐觀思悠哉

十七夜月

清風歷網戶皓氣流中庭佳期殊惠來金波耀
華星諒知蟾兔缺髣髴素娥形爲樂貴及時百
年詎我齡放歌目馳藻結思凌高冥且念叅酒
德萬物如浮萍

十四夜偕我兄弟友人陳周二君閒步圃
中戲乘小舟聊述紀興

吳閭繁華地上元佳麗節燈火連萬家遊騎紛
填噎吾曹抱憂痼蓬徑寂無轍靜夜乘幽興步

躋蕩煩懣棣華自暎蔚因之心則說况值嚶鳴
友清尊幸不缺塵遠芳林虛月近寒塘潔齊發
采菱謳試鼓滄洲柁忘形展戲謔憑以慰羈紲
予本丘壑人安能久朝列反憇慙幽棲稍稍塵
累絕澤蘭自茲佩園柳忽堪折娛性得其真養
素良爲拙誰今日縈思頭顱坐如雪

王維楨見過

之子趨朝罷總轡鶯華天官河方隱曙沙柳尚
餘煙執手申情款蓄意兩俱宜高文旣已富妙

辯一何妍朝霞未足綺秋氣聊共鮮雲日鸞臺
麗酌酒命新篇清風迎條舉文波逐藻圓解爾
崇蘭佩馥我幽桂筵

羈懷

撫跡滯囂塗疑志在幽谷臨津感淵抱懷山謝
雲躅鶯節感人情登臺漫余日芊綿樹雜映差
池鳥相逐故鄉邈以愛離思斷還續采采堵前
蕙何由盈一掬

予嗜琴山人張子鈔得古法嘗學焉而予

輟響久矣舟夜臨流對月發琴而彈之
興慨命篇

伊予寡世姿繇來慕丘壑長從嵇生玩假物思
所託匪盡至人理聊取逸民樂改服睽宿心久
負長往諾石房綴幽響泉藥迎秋落沿沂開昔
襟浮擘時間作滄波流潺湲明月照灼爍想見
乘風人長懷披雲鶴且以慰管魂拊心終絲邈
出處焉是非俛仰笑今昨

我生

我生如浮雲飄飄無定所晨彩豔玉墀夕映梅
河渚折瑤怨離居采蕭傷屈序孤墉聆禽悲長
霄瞻鴈舉憂歡信迴薄年髮嗟幾許枌欂伊可
懷早見山谷處

雜詩

玄駟適虛轍青旂肅盈軌時暘曜林端餘寒散
巖趾乘化皆良游登瞰春原美翩翩翔霄鸞矯
翰憑雲起思慕遺榮客曠襟有如此疇昔慨斯
言風塵淹暮齒密親庶來同譁鄂丘園裏

秋日雜詩

幽居側時化節逝一何速輕葉委前墀遠郊氣
 已蕭臨軒啓玄玩披襟會深矚悠揚麗秋暉疑
 光蕩巖澳草虫鳴空隅悲人詠浚谷駕言泛檜
 楫乘流開情蓄

其二

涼風吹嘉樹萬物遺光澤嚴氣乘運流華月歸
 如客凝霜無停艷違寒有來翮嘆彼往化駛感
 此淪歲迫修慮時多懷滯念誰與釋固窮見天

其三

道委順自夷憚齊物遊恬漠高翔出形役
 廓處乏歡悰出門眺長衢悲風吹落日四顧無
 行車蹉跎失盛年感慨獨嗟吁况我在樊籠六
 翮不得舒撫劍思西邁安能守故廬淮陰困閭
 里馬生戀邊隅桑梓豈我志蓬藿非我虞行行
 捨此去去去浮雲俱

其四

疑宵多寒氛原野日無輝涼風西北起鴻鴈東

南飛予嗟闕徽音惆悵心自悲臨霜謠河草榮
盛會有時離鳥念求匹形影獨長乖壺酒慘不
御沈憂誰能開緬想眺浮雲卒歲漣中懷

往視城南別業同子循弟作

赤嶠倦僊輶滄江遂還策調笑掩竹書行吟事
泉石芊眠東溪樹迤邐南城陌榛蕪獨懷往堂
構仍慨昔不見禾黍秋但逢麕兔迹沼近伍胥
臺市遠梅生宅適觀經始期歲月殊復易焚枯
進深酌煙華靄蔣夕携手遡歸雲惆悵平津客

東齋枕上

閒臥東窗雲遂得寂然趣枕上桃花源花開不
知數啼鳥自無心何事驚客寤翩翩峰畔霞疊
疊溪前樹俄頃夢還成去盡東山路

園夜逢學仙者晤言

沂波挹清醕陶月襲蘭芳開歌紫芝曲坐對白
雲長泉石交書幌苔花封藥房昔予滯京邑懷
土思茫茫聿來踐幽境狎鳥屢迴翔况值棲真
侶玄言羽化方道以無爲貴詮非有象妨拊膺

乏仙質束髮慕霞裝欣茲得遺老脫屣謝巖廊
偶爾閒適

宵然息機事獨坐對林巒竹鳥更幽意風霞來
夕寒起看南湖月半出長松端不值求羊訪一
壺聊自歡

春日與子循野步

雲臯霽色蕩極野春煙平江南綠無限幽意從
此生暫予謝軒冕散步殊愜情悠然涉園趣興
詠期嗣聲

丙午仲春偕周山人之海上感舊作

落日泝清淺遙憐不繫舟行隨海客往坐聽鳥
聲求物感昭蘇候心期汗漫遊寒煙餘井邑芳
樹藹津樓予苦風塵役俄今二十秋良辰徒屢
擲幽志果誰酬逝跡驚仍恨神山望更愁悠哉
不成寢明月下川流

二日與子木

東帶遊京華與子共為客荏風塵內踰踰見
拘迫年意苟難并山川徒易隔凄凄感物情遲

遲暮羣翮獨此青春獻歸夢滄江夕

歲暮贈兄弟作

流序迫徂秋寒氣滋窮谷晨雨灑蘭林層飈下
原麓候蛩戢微吟長天鴈羽肅端居乏歡悰含
悽對桑竹還轅河魏墟再落胥江木雖慰懷土
心終傷逝者速我有懿親人式如彼金玉中宵
命清觴形影眷華燭臨堂發琴奏絃歌蕩煩促
願言黃髮期保此長駢服

月夜贈伯氏叔季氏山人以言

歡遊美清夜高會良在茲金飈薄綺櫺鮮雲蕩
華池涼氣發喬林湛露零丹雘皎月升前隅中
庭粲其輝廣筵被宵彩麗藻繽紛來密親旣已
具蘭友相攀追繁音豈不奏所樂吹埙篪講藝
析古今揚摧申妙辭相與觀暮節薄遊言旋歸
昔悲異林島今悅同條枝能不極歡情羽觴隨
波揮齊願等金石皓首長不暎

謝子領西曹之命而南余叨膠漆之顧悵

恨不能爲別追惟夙昔聊述贈章

歷代詩選
嚴城易爲秋肅氣滋金方循除泛商聲明河照
榜徨膺念屬良友逝將旋舊疆晨車諒登邁會
握詎可長奕奕華池藻敷榮野田傍微暉盈霜
露歲暮多餘芳委運况物感徽音不能揚思我
平生懷與子各沾裳

曲巖贈蔡範師古

茲巖表絕勝尋陟乃天路上干未云已倒影隨
顧步鐫題自何年遺映若旦暮星華捲騰射霞
綺終盤互中有幽棲人滅跡懷遠度已矣浮湘

吟曠然還山賦長逝違俗駕芳期果誰赴青溪
歌不盡石梁遊始誤永協在襟想杖策披雲霧

黃山

茲巖亦幽勝橫亘西南天一徑聊步趾諸峰猶
眼前湖波浩無際雲日爭相鮮霞鶴粲霄色松
風清澗泉芳菲亂空翠靡迤浮春煙迥瞰塔寺
古下窺樓堞妍近尋侈遐討投跡期忘年未事
登名岳俄然意已宣

三日塘上

吳山信縈帶風景常自佳出郭見幽意縱心隨
物華析觴命流藻解襖臨晴沙西日引脣浪南
湖如片霞歸來須倒載遙向習池誇

子木見過伏枕弗對述簡二首

堦草含薄滋庭花罷餘蔭林靜夕迎霜天長朝
送鴈思君一水隔歧予三秋眷馳暉春莫攀歸
雲時可見

其二

華洲飛素浪高掌度文虹徘徊瞻禁闕迢遞限

清風痾懷撫衰柳幽景落疎桐一垂紫芳願再
使綠尊空

贈聞上人

東林禪誦地寰中閔靈壤蘿徑罕人蹤泉竹諸
幽賞朗公法門秀超跡絕煩想皓月窺淨心明
霞鑒空象虛薄匪世姿胡然久塵鞅領茲析冥
論永言欣獨往

自溪口歸

朝來醉別酒溪上孤舟還遙村轉江路落日迷

松關平波望煙樹百里滄茫間坐愛丘中事春
雲留碧山

其二

清溪下微霰歸路愁寒煙前山眺海湧林色隨
江船鶯花半樓閣鐘磬發雲天石道携琴徃春
亭鳴玉泉

其三

清波轉雲木春色動山門來尋紫霞賞窈窕藏
花源坐愁江頭雨莫辨湖中村巾舄照流水放

歌傾綠尊

謁伍子胥廟

列雉影滄波望望深雲樹迴照延清襟芳阡引
幽步曲隅抗蘭寢靈旗出殘霧疇昔抱餘悲悵
矣前溪路解劍邈英風薦潦申遐慕芳草忽復
春東門霽如故煙明刹殿霞風滿平池露向月
臨江洲含情不能渡

耶溪春泛尋禹穴

夙齡懷名溪及茲遂登衍竹町迷泝沿春旗亂

清淺遠郊淨無雲近流媚諸嘯鴻簡自寒山龍
章但荒蘚屢移泣車代遙挹退耕善翠微更餘
映襟期彌難展却瞻雲門寺回檝深情緬

下西店遊目徃跳海渚滙潮環山雲濤華

勝

脩坂無輟輪孤征寄塵鞅客心忽昭洗巒林納
澄瀼蓬萊幾清淺靈潮閱河廣伊予一壑觀從
知百川長煙黛縟峰華雲錦涵濤滉春合滄波
深晴搖翠微上茲言采秀行兼值乘桴徃達生

趣旣秉齊物理尤朗東方傲旅遊西笑非情賞

雨宿桐巖嶺

朝馳碧澗隈夕到翠微裏揚炬歷危岑披林息
塵軌半空霧雨交衆壑風泉委清耳不避喧瑩
心自爲美秉牘向雲蘿問俗携琴史滄洲非滯
淫冥翰尋當理

登雲峰最高頂

稍聞翠微鐘猶自厭城郭復躡丹梯霞所見惟
峰壑步趾窺蓬瀛舉身向寥廓斜日掛危龕非

煙開化閣翔鹿登素雲冥苔繡瓊萼鞅掌懷仙
蹤信宿春華落靈區事遙踐海嶠果幽諾伊予
期會人聿來遊鸞鶴

送叔氏效具均體

別晷憑城湍離雲隱宮樹集送慘不言懷歸悵
無趣清尊屢湛月白紵方掩露楚客悲回風舟
楫凌江渡惜無九辨文遣此三秋暮

送石郡守赴沙河

戒輶趨昧旦祇召旅皇邑感茲離會端坐使別

愁入登榭星河迥瞻途雲霧集風來汀蒹亂露
下簷草濕羈禽容以頓陽鳥羽方翕澤門詎可
謠北山徒有什我襟良難開此景誠易戢

送友人

天高秋氣肅霜落歲華空寒臯警幽鶴迥渚迅
賓鴻方此他鄉酒得與故人同滯念感遄途臨
流歎飛蓬飲餞眷伊別樂闋情未終芝駕聊淹
留及子商山中

送周氏二首

朔風厲玄夜時節忽欲殫羈人心靡夷躑躅恒
鮮歡攬衣步前除仰睇霄漢間華蓋結浮陰衆
星森以懸崇扉寂未啓惟見玉水寒還顧念我
友秉志誠獨賢含辭意激烈不爲白刃遷異願
王路平捐軀不足難道阻事竟睽中情無由宣
時化亦何常願子弘所觀慷慨徒悲懷吞聲復
何言

其二

清晨餞我友駕言遠徂征前瞻齊魯墟千里浮

雲興親交豈不昵懷役詎遑寧曠野饒悲風揚
塵霧邊庭中衢雪霰集胡馬寒無聲蹊谷罕行
跡側足層冰橫回首望京闕能不測中情子其
祗自愛順時保榮名

過陶山作

奔濤邁我目驚蓬頻異壤朝徂嘆京周夕宿怨
河廣近涉倦迴薄遐眺極儻莽乘菰泛星闌挹
流對秋爽鮮雲隨風來殘霞延月上不寐懷古
今眷物徒慨慷瞻淇非尺只歌瓠詎疇曩壁彩

歷代詩選
明皇南幸
終寥聞龍文滋恍像榮光竟誰覩逝川空復往
何以宣我心促柱發幽響

之崑邑道中書懷

迫歲物務勞念此近郊客趨塗無百里江城望
來隔三年謝旅遊登艫悵疇昔旣感道路艱復
嘆時序易川葦夾岼鳴湍浪乘風逆微微散林
旭泛泛隨波翻眷言濁尊酒誰遣他鄉夕予方
畏簡書春陽事行役

清口作

微旭散洪濤遙帆訴清口緜漫連長鴻空澄映
衰柳岼白海氣交客寒楓霜厚易冬群物晦心
悲別家久思返退耕初彌傷薄遊後愧昔不遠
猷匪人獨貽咎枌欗伊可懷浮雲復何有

早春寄台州佐王維禎

故人長沙謫量移投越鄉幸對台嶺秀日令歸
思忘霞色照高臥白雲盈訟堂苔陰接空暗瀑
翠侵堦涼五月蜩始鳴與君別河梁昨來鷓鴣
飛春風滿吳閫感茲流運駛坐令羈宦傷伊余

歷代詩選
厭塵世魍魅甘巖廊顏空紫榮落夢引滄波長
會城定可到虬駕何時翔

下姚江作

發夕迷海津乍見晨霞晰春日泛雲濤殊忘越
鄉別惠風紛入懷連巒翠堪擷念乏京坻謠慚
紆使者轍

晚景孤坐輒懷王子

蟬鳴夕思多荷藻清陰聚餘霞歛遙岑疎星浮
近浦明月來何遲佳期過三五方矜會面歡俄

軫離居苦望望遡征雲曷由附飛羽

子木書至

虫鳴陽景戢潦收秋氣滋涼月懸高軒清氣盪
華池我友勤遠役迢迢湘川湄遺我篋中素欸
情勞所思幽蘭不可結洲寒落芳蕤征衣夕掩
露江臯風正悲寄言於浮雲爲子東南馳

雨夜離思

清齋隱蘿月簷暝滋林巒澤國夜溪雨亭臯春
草寒山光帶滉濟池響交檀欒憶處畏入夢遙

歷代詩選
明皇朝子安
遙獨寤歎

北司三君宴別

微薄邁嘉運聊與丘壑別
皇眄靡不昭崇獎非徒設
雖乏俊民質霑沐忘虛竊
連陪覽庶嶽光塵託上列
諒彼寒暑周睽此夙夜節
宰命臨解携瞻岐顧分轍
廣筵流惠思盈醪鑿澄澈
蘭暉沃綺跡清雲賁衣袂
政平寡師聽時鳥音可悅
念離情彌存在衷義所結
努力懋時猷日新道不謁
庶言伐檀人將隆素絲缺

懷以言

冬序倏已闌如何故人隔
浮雲寄幽蹤滄波任所適
攬衣默無緒迢遞東城陌
朝來煙雨靜江帶寒山碧
憶君方寸間令予愧平昔

觀石梁夜宿萬年寺述遊寄伯氏子循子

約二弟周山人

微生不偶世孤拙恒自將
徒欽楚老喻載屐越人鄉
五辭念乖怛一往形瘵傷
春山填委暇乘日事游翔
夕棲鸞霞陰旦發桐栢陽
旣弄石潭

歷代詩選 明皇甫子安
月復撥瓊臺芳雙闌轉天徑萬籟鬱蒼蒼鳳侶
時勞翦花苔深紫房徘徊送落日上下窺飛梁
緬懷同襟懿暮色含悲涼絕冥良已遂心賞何
繇忘愁思雲關客聞猿清夜長

江南曲

百花洲上望春暉昨夜春從枝上歸乍想江梅
妬江月忽驚飛絮如飛雪美人流淚濕羅裙欲
寄音書那得聞孤帆片片高唐雨粧臺寂寂巫
山雲紫燕雙飛畫梁裏薄暮春風度羅綺江南
春色不可留我憶江南行復愁妾心願附盤龍
鏡携將淚影玉關頭連理枝間春幾度花開花
落夢悠悠

傾金罍歌

吳王城裏花如錦東風吹殘復愁甚花間莫遣
空金罍臨流折花勸君飲勸君飲君勿辭月光
花影常相隨何爲失足太行道坐令齷齪愁雙
眉桐陰未落秋風起夕陽慘淡東流水浩歌荷
鋪葡萄春古來痛飲真難比君不見百花洲上

空蒿萊城鴉暮雨江聲哀碧山江頭更今古麋
鹿長繞姑蘇臺白楊蒼苔幾人在清歌妙舞何
時開不如攀花對明月與君夜夜傾金罍

秋日過庄居

千家樓閣俯溪流一道銀河漾綵舟花洲源裏
通仙郭屨廊山面接平疇平疇靡迤趨荒陌虎
阜玲瓏望非隔松菊歸來陶令居雲霞宛對王
珉宅嗟予十載滯華臺無復求羊問草萊行披
薜荔尋雲入重峯芙蓉向水來回看荏苒浮年

度物華慘澹臨秋素棲禽半沒漚魚蹊落葉全
深採樵路君不見魚腸鑄水只殘流鶴舞市門
難辨處念此令人感廢興何況區區歎遊寓回
棹夷猶未肯前傷心寂寞寒煙樹

雪夕醉歌別兄弟兼贈周山人

昔與兄弟別暮春溝水頭上林花飛不相待青
門柳色偏含愁遙過京口滄江路抒情漫屬歸
田賦谷口蘭枝香幾叢窻前棣萼開無數東時
西流不可期感此歡離復悲聚良知周子求羊

儔十年再得論中素高眠未厭支峰雲客心已
亂維楊樹蹉跎世網苦自嬰氛氲別日誰能度
江城携手得幾時我今暫與雲山辭懿親開筵
日飲餞故人戀戀車行遲燕吳氣候邇相似二
月雪點黃金卮長安何在天津側身長望涕
流離驛樓新柳煙正滋夢中碧草盈前池繁絃
急管滿座悲心若棼絲豈能治奔走一官衆所
嗤獨馬飛塵空老爲羨君不出東岡陂

贈王偉純

嗟予文質無所底徒然瓠落風塵裏漢宮枉妬
魏豈婢楚湘獨竄夢猶憇窠影栖邊向湘水羈
心倍覺華年駛桃蹊狎鳥卜歸期筆門羅雀還
自嗤矢言石交者棄我忽若遺金閨顯允彥嫵
婉惠光儀問君來何方遙遙銜命下鸞墀奕奕
檐帷顧幽藪英英鞞厲照川湄伊昔彤庭爾尚
賓予也承恩侍紫宸臚墀鳳陛延多士華蓋鴻
私濫小臣比景含香悅有隣猗爾逢時奉帝綸
青翰徘徊繫江柳折芰燔枯共杯酒委翮飄蓬

何所云對子含情一回首回首重合情雲天促
去旌平生意氣復誰與一朝肝膽爲爾傾蘭臺
獻納追班史蓮勺歸來擬鄭生君章次都自此
別行矣相期勗令名

紫薇花行荅子循

英菲窈窕綠窻前艷影扶疎翠屺連玉衡含照
妍華夕金風弄影沈寥天流風逝水驚離索十
載幽棲對花萼無情羈宦却歸來有客傷秋歎
榮落蘭宮桂殿鳳凰樓帝臺仙客愁攀遊可堪

殘月鱸江夢不奈連雲騎省愁言追漁父賦歸
歎寂寞蓬蒿掩敝廬旖旎繁英重入賦婆娑生
意最愁予人情感物多惆悵白髮紅顏兩相向
東籬併就菊松姿北山豈孤猿鶴望青葱摘藻
記甘泉潘陸春華此棄捐未忘溫室瓊瑤樹虛
擬湘源杜若篇

贈范叟

君家住在靈巖村直取衆山爲四藩籬上野藤
侵石壁峰頭澗水到柴門日高但愛藜牀穩老

歷代詩選
明皇甫
至不知軒冕尊數杯竹下携將客一味花前割
與孫生涯樵採兼耕鑿虛室琴書對芝藥心同
逝水一致柔氣合澄雲只棲漠鈎箴縱下不取
魚井稅漸輸初到郭鴻濛笑識無懷天叟鏢行
歌有生樂小小知君三十年真隱逃名仍學仙
逢君帶索語未畢願我長纓私自憐明月一生
照懷抱清溪幾處隔林泉朝來祗恐移家去就
而不見空雲煙

遼陽行送呂思抑募兵

邊庭日夜羽書聞胡虜連營暗朔氛流沙積雪
凋旗綵瀚海飛霜蝕劍文君王赫怒興遐討將
士長驅誓勒勲紫塞臨衝朝倚堞黃河渡馬暮
嘶雲雲中天險從今見悍卒憑陵時出戰被隰
馳弓競射鵬依山結陣看驚鴈祁連突騎速如
飛蹠風揮電鬪兵稀迢迢虎旅仍推轂裊裊龍
旗再合圍歲月那知征戍久一望沙場成白首
長懸寶劍照芙蓉空憐玉筋啼楊柳玄幘立武
表師真彤庭宣勅集神兵武卒懸戈雄上國材

官超石侈西京仙郎簡命輟含香輕裘緩帶詣
遼陽愁雲迥結轅門思別宿遙分使節光使節
爭馳出畿甸橫行意氣真堪羨六郡哀師武益
振千金得士鳴應先熊羆列戟曜虹霓先聲昨
夜警榆谿佇見鼓膾隳戎壘旋聞灌燧息征聲
飛書魯仲奇功並投筆班生壯業齊擬待朝來
征塞北便須畫地取河西

送張七珽

君家聞說滄海居揚帆鼓舵意所如繇來漁父

厭水宿不記歲月浮空虛一朝策馬長安道回
首雲林迹如掃樹底扁舟終日閒山頭霞月
自好秋風歛起向我辭但云鞅掌衣盡緇門
稻田二頃足明日青陽知不知我今不悅亦如
此也應終往東岡陂散髮還持一竿竹與爾浮
沉任世嗤珪組寧紆鼻連蹈蓴鱸每懸張翰思
乘槎獨逝懷君日問取君平犯斗時

西湖歌寄方思道

西湖窈窕三十里柳絲含煙拂湖水青山蕩漾

春風來蘇公堤邊花正開玉缸春酒映江碧幾
醉江花柳花白城頭日出照高樓銀箏翠管喧
行舟吳姝如花捲綃幕山水倒入金屏流朝來
復脫千金駿還有牀頭紫綺裘人生行樂莫顧
惜落日松風吹古丘我憶京華舊遊地漁浦東
看動愁思醉裏空歌鏡湖月夢中尚識孤山寺
信安使君還舊溪應對花卮惜解携白沙翠竹
無人問湖上孤吟聞馬嘶

雪山歌奉寄彭太保

雪山嵯峩控西極寒斗陰光混開關千秋鳥道
無陽春北風慘澹吹峨岷羽書宵過褒斜道火
入靈關徹昏曉愁雲百里填城河帳中玉燭然
盤陀將軍狐裘細馬馱彈箏伐鼓金叵羅指揮
羽扇白玉珂背河一戰收蓬婆銘功刻石報天
子麒麟閣上事已多憶昔中原全盛日八方無
虞醴泉出龍舉空悲劍鳥藏海南漠北俱蕭瑟
君王垂衣悲西土錢塘老子不足數彭公大梁
佇獻捷已見彤弓出天府持節心知主恩重入

關更識王臣苦文武吉甫非公誰臨洮徒兒勇
如虎驥子朝披玉壘雲魚文夜濕金隄雨閬中
一月見節制烹羊宰牛割清醕狼藉衣冠頌破
竹馬前父老稱安堵園林佳氣春氤氳錦官城
中日歌舞當時匹馬更朝天又逐輕車過酒泉
勲名豈數七十戰至今邊卒高枕眠歸來謁帝
承明殿世事那知一朝變功成下吏古所悲浮
雲蔽日今會見天下驚聞栢臺火匣內空留上
方劍壯士長歌梁甫吟孤臣獨泣瑤池宴蓮峰
落月照黃河榆谷飛塵暗蘭縣武穆祠西秀水
流一望江山淚如霰

寄答陸宜俯

故人陸子山中居別我二年無尺書昨來有客
傳書至開緘宛然見君意不忘沉冥蘿月人自
傷趨走風塵吏腰垂錦綬眉不伸歲月蹉跎懷
苦辛柱頭無名比田鳳鏡中有髮同安仁向來
文采那復數平生意氣何用陳我心煩紆值炎
暑氛埃蔽空熱如煮省堂謁罷歸閉門惆悵思

君重延佇感君問訊聊爾言時復看雲憶故園
釣竿可了一生事世上是非誰足論

賦得襄陽樂奉送北野韓先生

襄陽風日本來嘉晴看雲錦被江沙踈地先隨
楚臺柳明粧不斷習池花習池路接城南陌陌
上連翩侈遊客且將絃管闌繁華未論冠蓋矜
輝赫從知朔別還晦期何惜千金輕一擲并州
愛將懶迴鞭高陽使君時畔憤別有芳妍喚大
堤煙花如簇望來迷並跨雕鞍騰綠水俱搖翠

憶渡清溪度憶騰鞍紛絡繹采珠拾羽競招携
氛氲香縠遙疑霧颭纏紅羅煥若電撼籥彈箏
歡未已相逢盡是便娟子嘗聞艷舞冠西荆詎
識神姿羞洛水太平樂事休教晚江漢風流應
不遠江上傳呼五馬來橋邊正值行春返行瞻
夏口夏雲滋回望春臺春恨彌桑田滄海無窮
慮萬代千齡同一時蘅歌木落離前淚蕙渚鴻
歸別後思賦成春日襄陽樂腸斷秋風峴首碑

移居

歷代詩選
明皇朝子安
地澗關河北山長殿闕西吏情天外遠鄉思日
邊迷江海方容往蓬蒿或可棲弊帷新未得能
厭數相携

又

省暇情營逼浮生苦不禁草明晞露意蔓弱裊
風心且自看塵甑無須問舍金燕南思骨肉愁
絕倚樓吟

早朝雪後看雨

雪罷清江曙春隨細雨來郊西好風景柳色半

樓臺散漫無空淨芳菲觸處催行雲自無意恠
得潤莓苔

十六夜月

待月坐江水月明江正流長吟惜佳景高興在
南樓魯酒碧山醉胡牀清桂留有情望今古寂
寞漢宮秋

郊泛秋懷

緬予滯河魏嘗亦賦懷田衛水歸華急江鴻旅
思懸役車離歲月穉事近霜天更逐樵風去滄

歷代詩選
明善甫子安
巽
洲何處邊

朝天宮李真人房宴集

沙色凝和日鳴珂晚霽開松穿紅徑入芝繞碧
欄迴洞室涼衣袂雲霞泛酒杯吹笙下羣鶴香
霧散瑤臺

王子維楨道蘇喜晤

爾向閩山曲余尋衛水源投荒情共迫去國恨
空存旌節胡然駐心期更此論江湖瞻象闕猶
自暗銷魂

章丘李生隨父之越中過訪

之子來吳會隨雲指越丘相過故人意翻動索
居愁林鳥鳴催暮江霞思入秋情遷係深感爲
我暫停舟

許子春水部北上過訪

南林閉關者自愛少逢迎忽枉雲龍駕暫依蘿
薜情相歡對尊酒不用論生平且念朝青閣宦
途多晚成

集談氏園亭

幽興偕仙步名園集綺辰
檀欒題賦客巾拂舞
花人落日臨池好行雲繞座新
黃昏須秉燭更
益畫堂春

春日金元伯見過二首

當時好文客頻過旅人居及此歸來日
鶴憐會
面疎花前茲夕醉湖上隔年書意氣君休問嗟
今已不如

其二

有客乘舟至方予屣履迎園林春自入門徑晚

初成藹藹暮鐘動悠悠江月生鹿車花畔酒還
共爾心傾

過莊道士登紫霄峰對月

夜訊靈峰隱言追羽士歡洞林雲合處風露苑
邊歲縹緲星初散蓬萊月正寒不知人世裏思
欲命飛鸞

集竹堂僧舍暮歸

偶來竹林寺愛爾棲心幽盡日松雲度閒扉溪
水流未耽石室臥誰羨玉京遊戀此復歸去看

煙多暝愁

雨中陸子飲話不寐

憐君千里外然諾重黃金僕馬追遊苦風塵感
慨深清燈孤坐久細雨別愁侵耿耿何繇寐晨
鐘達我心

雨飲朝天宮王鍊師房

客有青霞訣花藏帝境源油雲合並馬過雨及
留尊密館涼頻入重林翠自繁從茲滌塵慮數
欲問玄言

同錢浦白包呂五君集執夫寓

客裏清宵會悲秋心事同忘形有吾輩握手意
無窮雨色生殘樹邊聲度早鴻不須投轄飲自
使綠尊空

子約亭會

塵遠亭居寂林開霽色微水迴蒼竹逕山對綠
雲扉梅影清臨坐蘭香暗襲衣風光自可悅花
萼復相輝

秋曙山行訪顧叟

煙蘿入迢迢湖岼涵空明携策問幽事懷人滋
隱情滿林秋雨散一徑曙霞平就此樓居者雲
霄逸我生

夜訪程士希舟中

清風動幽夜坐愛滿溪雲明月期何處虛舟宜
對君淺流茲夕見歸鴈幾年聞玉室如相訪煩
書及右軍

春暮羈懷

逐客多行役他鄉惜滯留春逢三月稷詩擬四

思愁見日身驚遠看花淚欲流門前衛河水朝
夕自悠悠

春朝對雨懷省中舊遊

山城看雨色畫省憶蘭芳春日京華遠江天離
思長疎花開獨樹新水亂寒塘遊子今何去聞
鶯祇自傷

和子約植菊

披薜靄霞空開徑碧泉通春此餐英適逍遙疏
圃風雲封初布葉露浥近分叢欲知抱甕意唯

歷代詩選
有漢陰同

秋日郊行閱田林頗申考卜之懷

吾耽幽原趣經始清川瀆鱗羽自所托身名聊
此分携琴登嶺月持釣亂溪雲更欲羨西澗長
隨白鹿群

山居夜坐感秋

中山涼氣至偏動長年心伏枕清尊廢歸田白
髮侵河生雲界靜月照篔簹門深獨寤無由慰松
風永夜吟

林居晚興

歸來滄海畔非復戀人群獨樹晚成適疎花寒
共芬南山頻入牖西澗靜流雲且對一杯酒誰
能迷世紛

田居晚興

曉來滌場後寒嶺對閒門過客有機事山家多
話言清風動琴策斜日暖丘樊晚得會真趣逢
人耻作煩

溪上田家

歷代詩選
明皇南子安
移艇向郊外愛茲溪水閒
洞泐宛成趣談笑坐
忘還月秀蘿軒裏風清
松岼間徘徊且復去
浦目空雲山

省退偶成

往來鐘阜岼日覺沙鷗閒
驅馬獨何事悽其遊
子顏出城湖上寺
傍舍雨中山遙見平臯色
令人幾欲還

閒林

閒林歸日暮超忽歲華流
江海徒牽思芳菲不

解愁落霞懸近巘微
月澹中洲悵望情何已
清尊強自酬

移居答包元達

浮雲下寂寞草草換新居
獨樹時相得清風竟
自如閒情秋日臥佳句
故人書未卽捐予珮
將無丘壑疎

贈陸生二首生再客京師悲慨疇曩悵然

書之

伊昔攀鱗日君同北路塵
那知蘭省客重對竹

林人世上何非夢，愁中詎有春年華。不可語驚
歎，欲沾巾。

其二

久矣宦不達，憐君隱已成。相逢洛陽陌，尊酒叙
平生。愴此升沉跡，深茲離別情。從今耦耕去，谷
口共逃名。

病中答子循

齋居無歲月，獨坐聽松風。問道方期損，觀心屢
病空。雲霞多暮色，芝藥長新叢。爲語題詩客，將

無隱計同

晚春對雨奉酬伯兄懷山之作

山扉朝自啓，幽色在煙林。惆望滄波隔，江城春
雨深。雲天虛一室，花竹澹盈襟。竟日遶芳躅，清
風勞永吟。

寄贈顧水部二首

長湖度旌節，激棹泛漣漪。浪隱陶丘樹，天空鉅
野陂。蠨蛸微夜響，苞栩落寒枝。正此羈心慰，逢
君雲霧披。

其二

濟北風花暮湖南雲樹連君從負薪役我悼扈
桑篇絕岼疑笳發中流別旆懸餘暉不可駐行
邁獨凄然

七浦塘歌二首贈張君

水盡三江棹花緣七浦堤自堪江路永不比武
陵迷長揖滄洲與高人谷口西思君未卽見春
日草萋萋

其二

勝甸新州沃春臯故里暉繫舟川影直倚杖海
天微平子賦今就龐公隱不遠雙扉有時啓駟
馬或來歸

贈陸生

與子青門別頻驚節序侵那知艷陽月重見歲
寒心雲度花溪靜春藏竹徑深石梁還近遠回
首洞湖陰

清溪館席上賦贈馬中丞

寵接中丞宴權從外館遊竹深全引月葭冷半

歷代詩選 明皇甫子安
擬秋飲帳舉朱靄歌觴泛碧流誰知栢臺側別
有桂山幽

其二

湖曲青山遠城隅綠水長溪煙明積蓼堤日暗
垂陽竹下停歌侶花前媚舞行將因淮海宴相
與頌時康

初至留都與蔡子木

伊予壯遊日策馬金陵天從宦復來此嗟今行
暮年官曹寄湖水世事與雲煙終亦掛冠去長

歌懷昔賢

酬子循宿祖堂寄懷

聞君懷獨往清夜宿松岑天闕星河近雲門花
露深山鐘搖客夢池草結遐心空念澄江月悽
然懸舊林

偶遊虎丘二首

返照開重閣懷人在翠微石闌延暝色煙樹帶
春暉卜築容長往安禪喜獨歸白雲吾托慕茲
地掩山扉

其二

來遊每披豁春亂百城煙雪霽催帆席花深到
谷泉雲霞通一徑鐘磬發諸天坐接山僧趣浮
生祇自憐

赴西山雨後溪行

沂艇看山去溪流行更深春城過雨色芳草入
霞陰湖遠連雲度峰迴灌木吟今宵誰與坐慧
遠在東林

秋日尋山作

晴旭動高岑霜流萬壑深仙臺凌鶴度樵徑入
雲尋遠嶼浮虹影空江落鴈音淹留招隱地八
桂自爲林

秋原晚眺柬兄弟

澄宇落鴻音秋光蕩碧潯江清千嶂影日澹五
湖陰巖帶雲虹淨煙藏橘柚深翻憐物華晚蕭
散此時心

暫赴虞邑

煙艇遡溪行秋陰海上生雲飛川路永木落曉

歷代詩選
天清虞阜橫霜出
淞流捲日平
江城聞過鴈
信宿有羈情

靈巖溪口招范生不至

倚棹待幽客
蕭蕭風滿林
遙知雲盡處
猶隔洞門陰
听靜渚花落
溪閒山鳥吟
真成獨往趣
自入武陵深

碧照軒

森沈轉幽徑
遠近含澄輝
秋色引初曙
孤軒當翠微
玄言應虛籟
宴坐發清機
繕性從茲適
丘

中無重違

橫塘晚興

郭外有幽棲
閒情泝碧溪
湖山相映發
鷗鳥日招携
霞色浮塘上
鐘聲過水西
歸來一丘壑
源路使人迷

舟中晚興

晚來風自息
輕棹去方閒
歌動滄浪外
機忘演漾間
醉懸溪听月
望入海門山
豈待荷衣就
言從飛鳥還

虞山溪行

朝從虞阜出終日愛溪行
鷗近看疑下雲遙望
若迎嵐昏作海氣風滿助江聲
莫恨三山隔東
看煙樹平

上方山樓春眺

落日攀雙樹看山倚畫樓
竹氛簷際合蘭色雨
餘流疊嶂春爭入長天鴈獨浮
知予千載意遙
在五湖舟

五湖上作

芳草已被徑初陽仍滿津
緬懷滄洲趣獨往雲
蘿春鷗鳥宛如故煙霞時復新
暝延南蕩月身
意同清真

尋支山作

不盡春山路隨人溪水幽
石門隔煙嶼蘿徑
登雲丘谷日遠清磬我心閒
白鷗支公燕坐處日
暮寒泉流

再過塘上舟還

春郊數里外翠巘復滄波
自得幽源趣重尋芳

草過竹林晴罷酒
樵徑晚聞歌
暫別山僧去
前川寒靄多

治平寺

風中到香界
獨往意泠然
步引花木亂
坐看洲島連
一林寄空水
滿院生雲煙
正此化心寂
鐘聲松外傳

意同登虎丘

每到丘中寺
偏令思惘然
登臨千古後
容與一尊前
鐘梵空煙度
樓臺衆壑連
惟予獨往意
得

賞白雲天

天池

何處東林寺
尋鐘石徑幽
雲藏春竹暗
路入晚山稠
合澗巒煙下
澄泓空翠浮
塵纓愧鷗鳥
一爲洗心留

春日登天平

石泉隨步屨
清響亂瓊瑤
洞穴何年闕
雲門入望遙
未能期汗漫
且欲混漁樵
一任生春草
淮南不用招

歷代詩選
明皇甫子安
五
憇中峰登天平寺

西林紫翠盡行向石梁過洞榭扶香靄春泉洗
綠蘿觀心遠公義遇客楚人歌底覓桃源去雲
峰此地多

和伯氏過何山懷二何之作

生時同隱操理玉復茲巒野寺春常寂泉臺月
共寒法筵疑雨散罽塚酌花殘不覺青山暮悠
悠遡石湍

京口晚登金山

風景此郊外殘陽洲島西江流一浩蕩今古共
攀躋往跡空餘勝沈碑詎可題歸帆雲徑下陵
谷宵然迷

首夏甫後登虎丘

信此登臨美華林洞壑藏陰霞收嶼亂暮雨入
溪長象外得吾好丘中宜坐忘藤崖遍幽磬歸
徑雲蒼蒼

首春清涼寺展眺

石徑轉幽寺荒臺臨綺城長臯新草色虛苑舊

歷代詩選
松聲殿閣浮春氣虹霞弄晚晴江山看不異今
古獨含情

吳山人留宿靈谷禪房

松門下廻策香靄鐘聲隨却望東林路懷君獨
往時歸禽白雲盡殘日翠微滋惆悵煙蘿夕清
風不可期

登永寧本末亭同金仁夫

春山向禪徑一與故人過靜壑鐘聲遍空庭花
雨多晤言偶緇錫未日愛雲蘿煙暝獨歸去其

如幽意何

高座寺

花竹給園幽閒來訪碧丘雲陰雙樹合春色五
城留坐石詢遺事傾尊戀此遊高臺更攀陟遙
見暮江流

山陰漫興

于越臨秋杪蒹葭裊露繁松峰藏禹穴溪水入
雲門歛贖酬多勝開帆間俗喧恐將寥落意還
向此中論

歷代詩選
上
上天竺白雲方丈

山楹靄松竹客到雲歸時移席乍凌緬會心殊
在斯峰臨星檻亂鐘度霜林遲猿鶴定相訝如
何淹遁思

幘山

獨攀煙樹暝遙度翠微重海合山樓雨花藏溪
郭鐘不言迷壑道祇訝入雲峰到處生春草彌
傷謝客蹤

瀧湫

誰云天路絕瀑布已登臨石壁煙霏亂春山河
漢深一峰懸海色諸壑下霄陰悵望飛雲夕搖
搖此際心

靈峰

雲峰望縹緲疑是接層城梯繞丹霞入人攀碧
樹行洞門山日落石室海雲生何自吟招隱空
令猿夜驚

石梁

來尋方廣寺石壁路中分合澗飛丹壑春蘿掛

歷代詩選
明皇朝詩
李
碧雲苔梯徒屢踐
芝客信難羣
不見花前鹿
空音時復聞

送謝生之宜春

行色倚孤劔
秋城楓樹邊
那知不得意
匹馬向江天
落日論心事
浮雲散酒筵
料君終自致
行矣豈徒然

舟中送友人入山

煙水維舟處
偏傷首路神
却憐乘雪興
來送度江人
落葉催年暮
寒樽遣夜頻
知君入山後
相

憶在風塵

送李邦良謫湖州

嗟君去失意
行邁指湖菴
塞冷鴻飛斷
江空雪色遙
賦緣哀命作
魂向別知銷
坐惜春風暮
相思蕙草饒

送張東淮

柳色東河變
春芳憶故丘
行吟自所適
卜築向來幽
世事觀滄海
機心息白鷗
清秋濯纓調
端可浣塵遊

送諸子興謫官之嶺南

偶然爲遠謫易水送將臨度嶺梅邊恨逢人柳
下心水途疑望久歲酒遣愁深莫問金鷄石看
時白髮侵

長至謁陵別錢子

期子三日別橋山予獨征陵宮天北望沙澗雪
中行地險生禋念邊遙壯客情歸來換雲景懽
接翠樽傾

送王公儀令錢塘

君家兄弟賢腰綬映翩翩八月鴈行到河陽花
欲然盤殮六泉水枕席五湖煙莫奉任延詔須
令直道傳

再別兄弟作

可歎江潭客重爲魏闕遊河梁一帳望芳草劇
含愁隴樹三年淚邊雲萬里秋無由慰棲泊羈
影任悠悠

欲別子循登大石雲泉菴

惜別向何處山龕到竹林以予獨徃意憐爾倦

遊心石壁飛殘葉蘿軒下夕陰清溪一回首惆
悵白雲深

楊青早發

解纜催晨發天高秋氣清度雲巖樹濕泫露渚
花明斲靜羣鷗下汀寒旅鴈征觀風徒有意辛
苦遡涸情

妻其

妻其臨水意游子滯他鄉絡緯悲吟切蒹葭秋
思長翳雲迷岫色澄月瀉波光未夜勞歌起青

天望鴈行

流河紀興

京颺滌殘暑沿岍綠陰多秋色生遠海浮雲空
九河擘聲雜鳴籟鳧影亂繁波我懷方浩曠臨
觴酬短歌

彭城道中雨行

晚遡彭山道歸雲暗幾峰殘陽向湍沒飛雨度
川重誰遣長途思還傷逐客蹤已看淮岍盡鄉
夢渺何從

早秋楊村旅次懷伯氏季氏

蒲川風露惡涼度海門初
薊葉先秋下江星永
夜疎客心憑北望鄉路憶南徐
塞鴈何時至平原有素書

汶上

悲秋秋復盡汶上過帆稀
江水猶千里征人獨不歸
霜林看月冷風岬聽砧微
若識名賢意無忘掩舊扉

歸安旅情

邈舸凌風發津途旅思催
夜天寒澤國孤月迥江臺
客序楓林變鄉心茗水迴
雖非折腰吏昨已賦歸來

桑洲道中

仙岑已可到客路指桑洲
雨帶朝霞色溪舍滄海流
尋源期獨往登陸羨茲遊
去住堪乘日春山無旅憂

問訊子循臥病

水竹爲君癖煙霞非世情
避人春草暗行藥晚

風輕幌月虛時矚窓泉靜後聲冥心終不化爲
謝魯儒生

同子循初秋雨後懷虎山橋

同君別山寺心每懷滄洲山館對新霽煙虹開
遠流空歌碧雲暮悵望石梁遊况復西征月蕭
蕭此夜秋

西湖行樂辭從駕山陵作

千峰翠靄俯神池傳道花間奏水嬉簫鼓疑從
雲際起旂旌若在鏡中移香臺抱日團朱麓靈

樹含春漾碧漪文物歲蕤承

聖主太平隨豫

盛前規

又

先朝遺迹在層巒西望行宮紫翠蟠金洞松陰
會駐鶴瑤壇竹實舊棲鸞重開日月邀仙賞長
繞雲霞扈帝觀北極幸霑堯酒澤南薰願嗣舜
琴歡

又

衛士傳呼蹕上方才八一半下昭陽嬌臨綠水

承恩賞艷比紅霞出世粧澗吐銀潢流帝樂花
開珠樹散天香皇家不避寰中暑自有金莖玉
露涼

又

君王孝德本光天龍舸春遊霄漢邊微靄起時
窺鳳嶺瑤星流處指虹川日薰山氣凝成彩風
入鑪香散作煙扈從謬叅枚朔侶銜恩還欲獻
甘泉

冬日齋中遣抱

起坐空齋悵有思上冬雲物倍天涯負霜孤鶴
時看影照日餘花欲墮枝一別素綦蓬鬢改數
拋緇帙壯心知長愁假翼同懷側霞海冥冥去
不遲

五日

長夏園林過客稀青山終日欵柴扉支離且念
從吾好瓠落那辭與物違多病無端簪笏在滄
洲何事歲華非不知鳴鳥愁中變漫倒花卮送
晚暉

歷代詩選 卷之三 九日北峰臨眺偕同省諸公

褰帷瀲灩歷禪宮更踐莓苔雲逕通
載酒登龍聊暇日揮毫倚馬見群公
語迴斜照岩容變坐度冷風海勢空
俯檻驚時還極目江天何事有飛鴻

秋日自虎橋移舟訪朱子羽山居

春辭五馬到雲莊頭白知君舊省郎
二始風流誰得似四愁心緒耿難忘
歸來獨臥青山遠不盡懷人秋水長
悵望桃源遊未遂迢迢孤月限

河梁

晚興

悵望林巒返照微渚煙汀樹淨冬輝
籬邊黃菊人方逸湖上青山興不違
斜月暗催漁唱起片雲遙伴鶴飛歸
近來好事相過少落盡寒霞獨掩扉

伯兄病中叔季作詩訊之詞並清美予亦

臥病久而成篇

羨爾北窗今息機長松虛幌還相依
良辰寂寞

歷代詩選
明皇南幸安
在何許帝子瀟湘悵有違却笑微軀縈吏隱獨
憐叢桂自芳菲文園多病才應減况復瓊章和
者稀

贈栗寬甫

我逢栗子聊杯酒非比金龜罄所歡已見相如
辭故里曾聞李白在長安明朝處有燕臺別此
地同悲易水寒欲傍傷心御堤柳天隅少爲繫
歸鞍

送張大行之南都

天涯同伴惜離觴鴻鴈秋牽故國腸送客殊方
愁越鳥隨君別夢到吳鄉江涵臺殿春游麗署
擁雲霞詩興長隱吏看今復能幾何須獨羨鳳
池傍

送楊虞衡之任白下

風雲漢殿元相接山澤周官尚可求近侍獨憐
爲令子名曹總喜得英流行瞻北極南江夜坐
憶金陵玉苑秋戀闕亦知心未已送君今日是
仙舟

包子席上送張某歸華亭

冬筵就日情悲壯谷口雲深有故廬試看飛蓬
行欲遠獨携名劔意何如千年碧海時歸鶴十
月黃河早負魚遊旅談君盡豪俊誰堪別句醉
中書

送陳水部道通

南天殘雪此逢君忽散征驂北路雲獨歎別時
花滿眼誰憐聲斷鴈歸羣江流繞郭春難盡堞
影連山曙不分幾度沾巾悲落羽白頭離思轉

紛紛

客湖州有懷施蔡二君

嗟爾聯曹湖水傍十年何事尚為郎草玄堂掩
秋雲靜訪客溪行暮靄長掃徑不愁迷草色故
人空念搴蘭芳相思茗上惟歌枕鳴鶴蕭蕭午
夜霜

早春寓目

玉竦晴光起銅龍淑氣鮮和風雕檻度曙靄絳
河連水動蘭池早香歸蕙殿先庭梅微綴雪宮

柳漸浮煙麗日銜珠網新霞絢綺錢西山重錦
外南圃萬花前靈鮪摠鱗躍時禽挾翠翩客心
將物色駘蕩不勝妍

同汝玉集時言寓

言值含香暇行追秉燭歡同懷情不間四序景
方殘峻闕疑雲夜平沙度雪寒芳菲瀉花醞寥
廓倚星欄閒有杜欽好愁無平子寬故園梅
發何計覓歸鞍

贈宜山翁

言訪幽人跡彌欽耽壑情沈冥性所愜鍾鼎慮
難嬰洗耳將遺世尋崖擬鑿楹玄風正可嘅隱
德豈能名臥石閒雲度攀蘿好月明如聞吟谷
鳥及此應同聲

送王道思

重城臨望遠羈客悵秋殘曉日驚沙翳疑雲落
嶂寒駐驂悲急景闕樂送懸湍迷野征蓬迅長
河渡鳥難平生重朋好此日眷離歡行行惜奇
服何恨涉江干

來鳳亭集

中林一延賞小苑足風花高響流清籟長陰覆
綠華水鑑琴心靜山扉雲望賒竹氛含早露鳥
影曳殘霞會可娛芳夜無愁繫日斜

朱子過宿明日別

城曲停征旆燈前泛別卮分襟在明日握手復
何時政擬彈琴著情緣下榻滋風煙催往路江
海動遐思葉縣鳧方遠虞廷鳳佇儀自傷籠鳥
意朝夕慕南枝

家叔携舟橫塘餞別晚登吳山

香刹隱巖曲煙蘿一徑懸那堪風景處共此別
離筵度嶺雲木異浮空島嶼連花濃三月酒春
漫五湖天勝託丘中好詩裁塘上篇終期謝塵
紱歸賞竹林前

泗州道中

濟北月槎下淮南木葉秋長謠入泗水極目覽
中州曉吹迎霜咽寒旌捲霧浮草光疑雜組海
氣望城樓一葦愁鄉路膚雲渺帝丘客心無欲

歷代詩選
明皇南子安
速桂樹可淹留

淮陽

海畔淮陽郡風煙奈此何
客心自容與湖上幾
經過驛听丹楓少人家
綠樹多雲帆朝見市津
火夜聞歌城郭連鴻鴈
江山映綺羅寒潮正相
待歸興滿滄波

送朱貴溪

送了出都城遙心逐鴈
征鷺天際轉離鷓
匣中鳴才以河陽著丹
從勾漏成帷穿汀樹歌
寫

繞洞花行桂父憑雲揖
山圖擁霧迎還將綠綺
奏緱嶺荅瑤笙

夏日寓廣平章成安觴于南壇移席泛舟
繡陌轉彤垣珠臯對綺樽
眷芳臨藻宇延賞命
輕軒林密雲滋靄風清
晝不暄壇虛流漢影川
塵隱花源權舉滄波逸
帷張落照繁君王憶洹
水上客想平原沸浪歌
絃合凌霞舞袖翻賦詩
酬勝槩擗管愧瓊璠

飲城隅王氏北樓與周子別二首

麋鹿遊何處傷心蔓草多
百花帆上錦無復照
滄波

又

花藏梅福市山繞闔閭
城却望垂楊色憐君送
別情

寒夜曲

空庭藹藹月凝霜銀燭無光
玉漏長清漢數聲
征鴈度夢回中夜憶遼陽

金陵絕句二首

長干已過落花辰
漕地楊花不見春
強折垂楊送歸客
勞勞亭畔共沾巾

又

霜寒欲盡秣陵秋
錦樹明沙照客遊
雲物不消江左恨
青谿一曲斷腸流

江南臘月

不見垂楊與綠蘋
江城煙色雨餘新
數家竹樹輕寒外
一道溪流澹蕩春

雪後

江城飛雪閉門間
數處輕煙霽色還
臥起牆東時一望
依然高閣對寒山

贈滁陽程逸人

策馬勤王泗上秋
滁南千嶺夾城樓
十年萍跡殘宵夢
惆悵逢君話舊遊

歲除前一日過正覺寺

路入雲關溪水湄
林深坐聽出鐘遲
流波自送芙蓉葉
莫向山中間歲時

武林詞

舊是京華煙火新
梅花殘臘旅遊人
黃昏歌鼓明星曙
催得湖南浦郭春

送董道夫之通州

蕪城東下片帆雲
目盡天涯遠送君
三月燕京纔柳色
怕逢離思共氤氳

過石門

桑煙京裊石門堤
林裏爭流百道溪
別思客愁何處着
青山宛在暮帆西

石倉十二代詩選

明四集卷三十五 終

不食其肉 乃其效 即四書卷三十一

所與 乃其效 即四書卷三十一

秦靈 乃其效 即四書卷三十一

乃其效 即四書卷三十一

乃其效 即四書卷三十一

無知 東下 乃其效 即四書卷三十一

乃其效 即四書卷三十一

昔是 乃其效 即四書卷三十一



